



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

Synodvs Landavensis Svb Cerenhir XVIII. Ibidem Epsicopo.

**urn:nbn:de:hbz:466:1-15967**

ANNO  
CHRISTI nio , & oratione , & eleemosyna , dedit terram *Machinis* agrum sex modiorum Deo & Petro apostolo , & sanctis Dubricio , Teliauo , & Oudoceo , & episcopo Berthguino , & omnibus successoribus suis in ecclesia Landauiae in perpetuo , cum tota sua libertate , & omni communione , in campo & in aquis , in silua & in pascuis , & ita quod ipse iuravit nunquam retracturus hanc eleemosynam , & ita super altare sancti Petri , & sanctorum Dubricii , Teliaui , Oudocei Landauiae : & facta sibi excommunicatione , quicumque de linea sua , aut de alia origine ab ecclesia Landauiae separauerit . Et recepit vxorem propriam filiam Elfin . De clericis testes sunt Berthguinus episcopus , &c . De laicis Iudhai rex , Gurcan , Gabran , Elfin , Elguarui . Qui cumque custodierit , custodiat illum Deus ; qui haec ab ecclesia Landauiae separauerit , anathema sit . Amen .

## SYNODVS LANDAVENSIS SVB CERENHIR XVIII. IBIDEM EPISCOPO.

*In qua Houel rex Gleuissic homicidii & periurii causa  
excommunicatur. &c.*

**C**OGNITVM sit omnibus Christianis regibus & principibus , & catholicis viris vtriusque ordinis , tum clericalis , tum laicalis , in dextra parte Britanniae maxime habitantibus , quod Gallun filius Cidrich motus ira & furore surrexit contra dominum suum eleuato suo capite , Houel videlicet regem Gleuissic filium Ris , rupta sua pace , & voluit ei auferre terram *Lan Tyuei* vi sua & fortitudine . Et auditae lite & contentione inter regem & principem per totam regionem , hortatus est Cerenhir episcopus Landauiae eos concordari facta pace . Et ei obtemperantes , audita pace venerunt ad Landauiam cum magno milite , & super altare sanctorum Dubricii , Teliaui , & Oudocei , antepositis sacris euangeliis , iurauerunt pacem amplius sine aliqua fraude & insidiis , præsentibus tribus abbatibus , Elifael abbatte Catoci , Elisæo abbatte Ilduti .... abbatte Docunni , Ciuaret lectore , Guerngern , Rind , Esne , Pascen : præsentibus laicis Mor , Morchitir , Judeant , Embrefel ,

Post hæc rex Houel rupta sua pace, faciens vtrumque homicidium simul & periurium, occidit Gallun per dolum. Et occiso eo, congregauit episcopus totam Synodus apud Landauiam, congregatis in vnum clericis totius parochiæ ab ostio *Taraty ringuy* ad ostium *Tyvi*, omnibus & vna voce depositis crucibus ad terram, & versis cymbalis simul cum reliquiis sanctorum ablatis altari, & proiectis in terram, excommunicauit regem, auferens ei totam Christianam communionem: & in eadem excommunicatione mansit fere per annum integrum.

Post hæc rex non sustinens tantam excommunicatiōnēm, meritis suis exigentibus, quæsiuit veniam apud Landauiam nudis pedibus cum effusis lacrymis, & data venia ei cum iuncta poenitentia publica, homicidii simul & adulterii consilio patruelis sui Mourici promittens emendationem tam animæ quam corporis amplius in iejunio, & oratione, & eleemosyna, largitus est Deo & sanctis Dubricio, Teliauo & Oudoceo, & in manu Cerenhir episcopi, & omnibus episcopis Landauæ in perpetuo, coram prædictis & attestantibus illis omnibus *Merthir buceil*, & *Merthir Minor*, cum 4. modiis terræ circa se, & semimodio *Tircollou* .... cum sua tota libertate sine ullo censu ulli homini terreno, nisi ecclesiæ Landauæ & pastoribus eius, & tota communione in campo, & in siluis, in aqua, & in pascuis. Quicumque custodierit, benedictus sit: quicumque violauerit, maledictus sit. Amen.

### SYNODVS ALIA LANDAVENSIS

SVB CERENHIRO XVIII.

IBIDEM EPISCOPO.

*Ili filius Conblus homicidii & periurii causa excommunicatur. &c.*

**R**EGNANTE rege Mourico Gleuissicg filio Iudhail, conuenerunt Ili filius Conblus simul & Camauc ad monasterium Landauæ, & præsente Cerenhiro episcopo cum suo clero firmauerunt pacem suam, deleta & oblita veterrima inimicitia, iurantes ambo super altare Petri apostoli, & sanctorum Dubricii, Teliaui, Oudocei, antepositis sacris euangeliis, & sanctorum reliquiis. Post intervalum